

Ընտանեկան խնամագրկության հիմնախնդիրը ժամանակակից հասարակություններում ունի բարձր սոցիալական արդիականություն և դառնում է կիրառական սոցիոլոգիայի կարևորագույն ուսումնասիրության ոլորտներից մեկը: Վերջին տասնամյակներին սոցիալական, տնտեսական, ռազմական ու մշակութային փոփոխությունների և սոցիալական անհավասարությունների աճի խորացումը նպաստել են նաև մի իրավիճակի ստեղծմանը, որի ընթացքում և արդյունքում մեծ թվով երեխաներ գրկվում են կենսաբանական ընտանիքի ինստիտուցիոնալ կամ լատենտ խնամքից՝ հայտնվելով պետության կամ այլ սոցիալական ինստիտուտների հոգածության ներքո:

Թեմայի ուսումնասիրվածության աստիճանը: Երեխաներ, նրանց որպես հասարակության լիարժեք անդամ ձևավորման, սոցիալական նորմերի և արժեքների յուրացնող, ընտանեկան դաստիարակության, ընտանեկան խնամագրկության երևույթները մշտապես գտնվել են մանկավարժների, փիլիսոփաների, հոգեբանների, սոցիոլոգների ուշադրության կենտրոնում: Հեղինակի կողմից իրականացվել է մասնագիտական գրականության խորը վերլուծություն թեմային համապատասխան դասական և ժամանակակից տեսաբանների հայեցակարգերի, այնպես էլ կիրառական սոցիոլոգիայի էմպիրիկ հետազոտողների, միջազգային կազմակերպությունների զեկույցների և հաշվետվությունների տվյալների համեմատական վերլուծություն: (Օգտագործված գրականության ցանկը կազմում է 116 անուն)

Ատենախոսության գիտական դրույթների հիմնավորվածությունն ապահովվում է բարձր բացատրողական ներուժ ունեցող և ակադեմիական հանրության կողմից լայնորեն ճանաչված սոցիոլոգիական հայեցակարգերի, ինչպես նաև էմպիրիկ հետազոտության շրջանակներում կիրառվող տեղեկատվության ձեռք բերման բանական և որակական մեթոդների համադրությամբ:

Ատենախոսության **կառուցվածքը** համապատասխանում է ՀՀ ԲԿԳԿ-ի կողմից թեկնածուական ատենախոսությանը ներկայացվող չափանիշներին: Այն բաղկացած է ներածությունից, երեք գլուխներից, եզրակացությունից, առաջարկություններից, օգտագործված գրականության ցանկից, հապավումների ցանկից և հավելվածներից: Ընդհանուր ծավալը կազմում է 216 էջ, ներառյալ աղյուսակները և գծագրերը:

Ատենախոսության առաջին գլխում *Երեխաների խնամազրկության ուսումնասիրման տեսամեթոդական մոտեցումները* վերլուծաբար ներկայացվել են «Երեխա», «մանկություն», «խնամք», «խնամազրկություն» հասկացությունների մեկնաբանությունները դասական և արդի տեսությունների ներքո: Ենթագլուխներում համեմատական վերլուծությամբ ներկայացվել են երեխայի որպես սոցիալական խմբի առանձնահատկությունները կենսաբանական, իրավաբանական, սոցիալական հարաբերությունների հարացույցների սահմաններում: Հեղինակի կողմից երեխան դիտարկվում է որպես կենսաբանական և հոգեբանական զարգացման որոշակի փուլում գտնվող անհատ, իրավունքներ կրող սուբյեկտ և սոցիալական հարաբերություններում մասնակցաբար ներգրավված անձ: Առանձնահատուկ ուշադրություն է դարձվել հատկապես երեխայի ձևավորման գործընթացում ընտանիքի, համայնքի և սոցիալական ինստիտուտների ազդեցությանը:

Ատենախոսության երկրորդ գլուխը՝ *Սոցիալական կապիտալը որպես երեխաների խնամազրկության վերլուծական շրջանակ* նվիրված է սոցիալական կապիտալի տեսաբանների՝ Պիեռ Բուրդիեի, Ջեյմս Բոուլեմանի, Ռոբերտ Փուլմանի հայեցակարգերի վերլուծություն, որպես հասարակության մեջ ընտանեկան, համայնքային, սոցիալական կապերի, հարաբերությունների և համագործակցության դրսևորում: Հեղինակը իր վերլուծության շրջանակներում հատկապես շեշտադրում է սոցիալական կապիտալի որպես ռեսուրս դիտարկման հնարավորությունները, նրա դրական և բացասական կողմերը:

Հաջորդիվ Ս. Կարապետյանը կատարում է սոցիալական կապիտալի ներգրավվածությունը մանկության սոցիոլոգիայի և հատկապես երեխաների առօրյա փոխազդեցությունների, կրթական, ընկերական և համայնքային միջավայրում մասնակցության երևույթների ու գործընթացների վերլուծություն, ինչով և հիմնավորվում է երեխաների և նրանց միջավայրի փոխհարաբերությունների նշանակալիության հիմնավորվածության հարցը: Ըստ հեղինակի սոցիալական կապիտալի տեսությունը հատկապես կիրառվել է բացատրելու վստահության փոխադարձության, սոցիալական աջակցության և սոցիալական ռեսուսների հասանելիության խնդիրները երեխաների բարեկեցության և սոցիալական պաշտպանության կազմակերպման և իրականացման հարցում:

Ատենախոսության երրորդ գլուխը իրականացված սոցիոլոգիական հետազոտության արդյունքների վերլուծությունն է ուղղված *երեխաների ընտանեկան խնամքից զրկման գործընթացի և սոցիալական կապիտալի փոխառնչություններին հայաստանյան հասարակությունում*: Էմպիրիկ սոցիոլոգիական հետազոտության մեթոդաբանական հիմք հանդիսանում է կոնստրուկտիվիստական գիտաձանաչողական մոտեցումը, որի շրջանակներում ստացած տվյալները իմաստավորվում են հետազոտող, մասնակիցներ և սոցիալական համատեքստի փոխազդեցության շնորհիվ (Չարմագ): Տվյալների հավաքագրման համար կիրառվել է որակական և քանակական մեթոդաբանությունների համադրություն Case study մոտեցում (239 դեպք, որոնցից ընտրվել է 11 տիպային դեպք), կիսաձևայնացված բաց հարցերով հարցազրույցներ ոլորտի առանցքային տեղեկատուների և երեխաների հետ ազատ հարցումների շրջանակներում:

Կիսաձևայնացված հարցաթերթիկային հարցումն ուղղված էր ընտանեկան խնամքից զրկված կամ ռիսկային գոտում գտնվող երեխաների հետ աշխատող մասնագետներին, որի արդյունքում վերհանվեցին հիմնախնդիրները՝ ըստ մասնակիցներին ընկալումների, ընտանեկան խնամքից երեխաների դուրս մնալու դրդապատճառները, Հայաստանյան իրականությունում խնամազրկության գործընթացային առանձնահատկությունները, սոցիալական կապիտալի տեսակների՝ ընտանեկան, երեխաների և համայնքային ազդեցությունը խնամազրկության գործընթացի վրա և այլն: Ստացած տվյալները վերլուծվել են JASP ծրագրային փաթեթի միջոցով և շեշտը դրվել է «Մարդիգյան երեխաների պաշտպանության կենտրոնի» արխիվային փաստաթղթերի վերլուծության վրա:

Ատենախոսության ուսումնասիրությունների արդյունքները պարունակում են կարևոր նորություններ և կարող են կիրառվել կարիքահեն և գիտելիքահեն ընտանիքի խնամքից զրկված երեխաների կարիքների բավարարման և հիմնախնդիրների հաղթահարմանն ուղղված երեխաների պաշտպանության քաղաքականության բարեմշակման համար: Հեղինակի կողմից իրականացված հետազոտության մեջ առանձնահատում տեղ է զբաղեցնում հասկացությային դաշտի գիտականահեն վերլուծությունը, հասկացությունների հետագա կողավորման և օպերացիոնալացման նպատակով (Տես ատենախոսության 3.2 ենթագլուխը):

Ատենախոսության շրջանակներում իրականացված տեսական և էմպիրիկ ուսումնասիրությունների արդյունքները հիմք են հանդիսանում Տ. Կարապետյանի կողմից առաջադրված մի շարք նորություններ.

1) Առաջին անգամ առաջադրվել և հիմնավորվել է երեխաների բնութանկար խնամքից զրկման երևույթի սոցիոլոգիական մեկնաբանության հայեցակարգ, որի շրջանակում խնամազրկությունը դիտարկվում է որպես սոցիալական կապի խախտում, զրկման արտացոլող գործրնազ:

2) Մշակվել և տեսականորեն հիմնավորվել է խնամազրկություն գործրնազային մեկնաբանությունը՝ տարբերակելով «խնամազրկություն» հասկացությունը որպես սոցիալական գործրնազ և «բնտանեկան խնամքից զրկված երեխա» հասկացությունը որպես այդ գործրնազի հնարավոր արդյունք՝ սոցիալական կարգավիճակ:

3) Առաջարկվել է երեխաների խնամազրկության դասակարգման մոդել, որում սահմանվել են դրա բացահայտ, լատենտ, բրոնիկ, բնորոշական, ինչպես նաև նորմատիվորեն լեգիտիմացված և ինստիտուցիոնալ ձևերը:

4) Գիտական շրջանառության մեջ են ներմուծվել «անտեսանելի ծնող», «ղե ֆակտո խնամազրկություն» և «միջանցքում հայտնված երեխաներ» հասկացությունները՝ խնամազրկության այն ձևերի նկարագրման համար, որոնք ամբողջությամբ չեն արտացոլվում գործող իրավական և փութազրկող դասակարգումներում:

5) Առաջադրվել և հիմնավորվել է բնտանիքի հարաբերություններում հուսալի իրականացման կառուցվածքային առկայության և գործառության բացակայության պարադոքսը, որը բնութագրում է այն իրավիճակները, երբ ծնողը ֆորմալ կետան պահպանում է իր դերը, սակայն չի իրականացնում երեխայի խնամքի պաշտպանության, հուզական աջակցության և սոցիալականացման հիմնական գործառույթներ, ինչը ձևավորում է լատենտ խնամազրկության գրանորոշումները:

6) Մշակվել է խնամող-խնամվող հարաբերությունների գործրնազային դինամիկան նկարագրող մոդել, որը ներառում է սոցիալական կապերի թուլացումը խթարման, քայքայման և խզման փուլերը՝ որպես խնամազրկության ձևավորման

փոխկապակցված ստոիճաններ: Առաջարկվել է սղ ստոիճանների հաղեցակարգային տարբերակումը:

7) Բացահայտվել և տեսականորեն հիմնավորվել Է բնտանեկան սոցիալական կապիտալի միջնորդող դերը երեխաների խնամազրկության գործընթացում: Ստացվել է, որ սոցիալական ծիսկերի ազդեցությունը հաճախ իրականացվում է բնտանեկան հարաբերությունների փոփոխության միջոցով:

8) Էմպիրիկ ուսումնասիրությամբ հիմնավորվել են բնտանեկան, համայնքային և երեխայի կողմից ձևավորվող սոցիալական կապիտալի, սոցիալական ծիսկերի կուտակման և երեխաների խնամազրկության հիմքերի, բնույթի ու գործընթացային ուղիների միջև առկա կապերը:

Նորույթները իրենց արտացոլումն են գտել հեղինակի կողմից նշված 6 գիտական հոդվածներում:

Բարձր գնահատելով ատենախոսի կողմից կատարված աշխատանքը՝ ներկայացնում ենք որոշ նկատառումներ և առաջարկություններ.

- Աշխատանքը կշահեր, եթե հեղինակի կողմից տեսական հիմնավորումներում լուսաբանվեր ոչ միայն կապվածության հարաբերությունների բացահայտմանն ուղղված գիտական աշխատանքների վերլուծություն, այլև հատուկ անդրադարձ կատարվեր ծնողական կամ ցանկացած տիպի ներընտանեկան հոգացության շրջանակներում «սիրո» բաղադրիչի վերլուծությանը, որպես ընտանեկան խնամքից զրկվածության հիմք:

- Աշխատանքը կշահեր, եթե հեղինակի կողմից տեսական հիմնավորումներում իրականացվեր ընտանիքի սոցիոլոգիայի ավելի խորքային վերլուծությունում, որում ներառվեին նաև ՀՀ-ում իրականացված սոցիոլոգիական տեսական և էմպիրիկ հետազոտությունները:

- Հաշվի առնելով Հայաստանյան սոցիալական խնդրահարույց վիճակի ներառյալ երեխաների սոցիալական պաշտպանության ոլորտում, ցանկալի կլիներ, որ հեղինակը իրականացներ նաև վիճակագրական տվյալների համեմատական վերլուծություն իր ուսումնասիրության օբյեկտի և առարկայի վերաբերյալ ավելի բազմակողմանի պատկեր ստանալու համար:

աշխատանքը կշահեր, եթե իրականացված էմպիրիկ հետազոտության մեջ որպես մեթոդ կիրառված որակական հարցումներում ընդգրկված ռեսպոնդենտների խոսքերից վերլուծության շրջանակներում մեջբերումներ լինեին:

- Աշխատանքը կշահեր, եթե հեղինակը իրականացներ ընտանեկան խնամքից զրկված երեխաների սոցիալական պաշտպանություն իրականացնող ՀԿ-ների և ՊՈԱԿ-ների գործառնության վերաբերյալ տվյալների երկրորդական սոցիոլոգիական վերլուծություն, համեմատելով իր հեղինակային հետազոտության արդյունքների հետ (Օրինակ՝ ՍՈՍ մանկական գյուղեր, Գյումրիի Երեխաների Տուն, Երեխաների և ընտանիքների աջակցության Երևանում գործող 3 ՊՈԱԿ-ները, «Հայկական Կարիտաս» ԲՀԿ և այլոք):

Այս դիտարկումները չեն նվազեցնում ատենախոսության շրջանակներում Տ. Կարապետյանի կողմից կատարված աշխատանքի գիտական արժեքը և կարող են հիմք հանդիսանալ թեմայի հետագա ուսումնասիրությունների և հետազոտական աշխատանքների համար: Նորույթները և հետազոտության հիմնական արդյունքները տպագրվել են ՀՀ ԲԿԳԿ-ի կողմից արտոնագրված գիտական ամսագրերում: Սեղմագիրը պարունակում է աշխատանքի հիմնական բովանդակությունը, պաշտպանությանը ներկայացված հիմնական դրույթները և կարևոր արդյունքները:

ԵԶՐԱԿԱՑՈՒԹՅՈՒՆ

Տաթևիկ Կարապետյան Զավենի «Ընտանեկան խնամքից զրկված երեխաների սոցիալական կապիտալի սոցիոլոգիական վերլուծություն» ԻԲ 00.01 Սոցիոլոգիական հետազոտությունների մեթոդաբանություն, տեսություններ, սոցիալական տեխնոլոգիաներ և գործընթացներ մասնագիտությամբ զինությունների թեկնածուի գիտական աստիճան հայցման ատենախոսությունը ավարտուն գիտահետազոտական աշխատանք է, ունի կարևոր տեսական և կիրառական նշանակություն: Նրանում ներկայացվող եզրակացություններն ու առաջարկությունները կարող են հիմք հանդիսանալ ՀՀ-ում երեխաների պաշտպանության ոլորտում խնամազրկության երևույթի կանխարգելման և ռիսկերի վերհանման ռազմավարություններ մշակելիս: Թեկնածուական ատենախոսությունը բավարարում է «Հայաստանի հանրապետությունում գիտական աստիճանաշնորհման կանոնակարգի» պահանջներին, ուստի միջնորդում էնք ԵՊՀ-ի

013 Փիլիսոփայության և սոցիոլոգիայի Մասնագիտական խորհրդին Տաթևիկ Զավենի Կարապետյանին շնորհել սոցիոլոգիական գիտությունների թեկնածուի գիտական աստիճան ԻԲ. 00.01- «Սոցիոլոգիական հետազոտությունների մեթոդաբանություն, տեսություններ, սոցիալական տեխնոլոգիաներ և գործընթացներ» մասնագիտությամբ:

Կարծիքը քննարկվել է Խ. Աբովյանի անվան հայկական պետական մանկավարժական համալսարանի «Սոցիոլոգիայի և սոցիալական աշխատանքի» ամբիոնի 03.07.2026թ. նիստում (արձանագրություն թիվ 12), որին մասնակցել են Սոցիոլոգիայի և սոցիալական աշխատանքի ամբիոնի վարիչի ժ/պ՝ Խ.Գ.Թ., դոցենտ Գ. Ա. Խաչիկյանը, ս.գ.թ. Ս.Ժ. Եղիազարյան, տ.գ.թ., Գ.Բ. Նալբանդյանը, փ.գ.թ., դոցենտ Ա.Ռ. Ջիջյանը, դոցենտ Ա. Եսայանը, դասախոսներ՝ Լ.Ա.Ռաշոյանը, Գ.Ա. Ասատրյանը, Ս. Հ. Շմավոնյանը, Ն.Ս. Մելքոնյանը, քարտուղար՝ Մ. Կ. Ղարիբյան:

Խ.Աբովյանի անվան հայկական պետական
մանկավարժական համալսարանի
Սոցիոլոգիայի և սոցիալական աշխատանքի
ամբիոնի վարիչի ժ/պ՝ Խ.Գ.Թ., դոցենտ



Գ. Ա. Խաչիկյան

Խ.Աբովյանի անվան հայկական պետական
մանկավարժական համալսարանի
Կրթության հոգեբանության և սոցիոլոգիայի
ֆակուլտետի դեկանի ժ/պ՝ Խ.Գ.Թ., պրոֆեսոր



Ռ. Հ. Պետրոսյան

Գ. Ա. Խաչիկյանի և Ռ. Հ. Պետրոսյանի
ստորագրությունները հաստատում են

Խ.Աբովյանի անվան հայկական պետական
մանկավարժական համալսարանի
գիտական քարտուղարի ժ/պ՝ Խ.Գ.Թ., պրոֆեսոր



Խ. Գ. Թադևոսյան

07.07.2026թ

06.07.2026թ